



Cussegl da vischnaunca 2021/2024

Protocol no. 33

Seduta dils 20-06-2024

PROTOCOL

**dalla seduta dil cussegl da vischnaunca,
gievgia, ils 20 da zercladur 2024, allas 19³⁰ – 22³⁰
Liug: stanza da sedutas Cumiera el Center Fontauna**

President: Ignaz Venzin

Actuar dil di: Tino Cadruvi

Presents:

a) Cussegl

Armin Berther	Silvia Bucheli-Caduff
Theres Burri Gadola	Adrian Deflorin
Edgar Durschei	Adrian Flepp
Mario Flepp	Otmar Flepp
Larissa Fry Schuster	Remo Huonder
Rafael Maissen	Armin Manetsch
Helga Probst-Linder	

Perstgisas *Giusep Lozza*
Ursina Murer-Fatzer, actua

b) Suprastonza
comunala

René Epp	Clemens Berther
Wendelin Jacomet	Jris Lombris

Perstgisa *Paul Schmidt*

c) Direcziun
comunala

Simon Cathomen, selvicultur
Andri Hendry, canzlist
Ervin Maissen, menader infrastruttura

d) Cumissiun da
gestiun

Flavio Murer, president	Curdin Cajacob
-------------------------	----------------

Perstgisa *Sonia Lutz-Schmidt*

e) Curia AG

Arno Felix	Tino Zanetti
------------	--------------

f) Hosps

14

Plaid d'avertura dil president

Numnaus vegneva el "monster luxurius" e "vehichel dubius". Ei ha duvrau 25 onns e 10 votaziuns dil pievel entochen ch'igl object ei staus legals en nies cantun. Ei ha dau dabia debattas e discussiuns tussegadas durant quei temps. Ils ins temeivan per lur existenza, ils auters vesevan igl object sco indispensabels pil svilup turistic e dall'economia. Ils 13 da matg 1921 ei il diever vegnius lubius per motivs medicinal e pil cumbat encunter fiug. Ils 25 da zercladur 1925, pia avon ualti exact 99 onns, ha il pievel grischun lubiu il traffic motorisau en nies cantun entras ina votaziun all'urna. Ton tier il tema "innovaziun" dil pievel da gliez temps.

La Svizra vala dapi entgins onns sco tiara la pli innovativa sin quest mund. Questa sera havein nus da sefatschentar cun la transformaziun dallas structuras communalas e cun cefras. La transformaziun ni la midada ei enzatgei ch'accumpogna nus durant l'entira veta. "La suletta constanta ella veta ei la midada", quei ein plaids dil filosof Buddha.

Il november vargau han las lavurs vid la transformaziun dallas structuras communalas entschiet, in process che vegn a fatschentar nus aunc ditg. Ei vegn attestau als conlucers dall'administraziun communalas ina gronda professionalitad e gronda experientscha ella lavur quotidiana. Quei tschenta crei jeu negin en damonda.

In survetsch che vegn apprezziaus da quest cussegl da vischnaunca ei ch'ils resultats da votaziuns ed elecziuns vegnan tarmess persunalmein sin via electronica. A caschun dallas votaziuns dils 9 da zercladur ei quei iu en emblidanza. Igl actuar dil biro electoral dil di ei gia dapi entgin temps buca pli staus en quella funcziun ed ha buca patertgau vid quei. Ins vegli perstgisar quei sbagl.

Rest Gieli Gliott, scribent ed architect oriunds da Breil ha scret en ina poesia a caschun dad ina elecziun dispiteivla dil secretari general dalla Lia Rumantscha il suandont:

*Aschi ditg che stattan cuolms e vals,
sescognan Romontschs cun pugns e pals.
Mintgin defenda sco tafer Grischun
si'atgna verdad per la sauna raschun.*

Igl object ni substantiv dalla secunda lingia sa vegnir scumiaus tenor basegns.

Tier la rangaziun dils cantuns innovativs ein ils cantuns muntagnards Grischun, Valleis ed Uri sils davos plaz. La schanza da far meglier ei en tuts graus che nos perdavons havein nus questa sera – en quei senn giavischel in bien decuors da quest cussegl.

Mortoris

Dapi la davosa seduta dil cussegl da vischnaunca ha ei dau siat mortoris:

- Amanda Huonder, naschida ils 2 da matg 1929, morta ils 21 da matg 2024
- Riccardo Desax-Sain, naschius ils 22 da fenadur 1941, morts ils 2 da zercladur 2024
- Oscar Degonda-Cantieni, naschius ils 19 da settember 1941, morts ils 5 da zercladur 2024
- Adolf Schmed-Lutz, naschius ils 12 da november 1944, morts ils 8 da zercladur 2024
- Rui Miguel Fernandes Machado Rodrigues, naschius ils 14 da schaner 1978, morts ils 9 da zercladur 2024
- Esther Lechmann-Senn, naschida ils 21 da zercladur 1938, morta ils 9 da zercladur 2024
- Rita Manetsch-Derungs, naschida ils 12 da fevrer 1941, morta ils 12 da zercladur 2024

Naschientschas

Dapi la davosa seduta dil cussegl da vischnaunca ha ei dau ina naschientscha:

- Lea Schnoz, naschida ils 10 da matg 2024, feglia da Jennifer e Lucas Schnoz

Tractandas:

1. Elecziun d'in actuar dil di
2. Protocol 32-2021/2024
3. Transformaziun dallas structurass communalas: Revisiun parziala dil regulativ per il persunal communal (messadi 54-2021/2024)
4. Plan da finanzas 2024-2033 (messadi 55-2021/2024)
5. Iniziativa pil scamond da fiugs artificials: Revisiun parziala dalla lescha davart ils dis da ruaus publics (messadi 56-2021/2024)
6. Ura da damondas (conform ad art. 44 dil regulativ da fatschentass)

Cussegl da vischnaunca Disentis/Mustér
Il president: Igl actuar dil di:

Ignaz Venzin

Tino Cadruvi



Cussegl da vischnaunca 2021/2024

Protocol no. 33

Seduta dils 20-06-2024

1. Elecziun d'in actuar dil di

Muort l'absenza dalla protocollista Ursina Murer-Fatzer vegn Tino Cadruvi proponius sco actuar dil di.

Decisiun:

Ils cussegl elegia unanimamein Tino Cadruvi sco actuar dil di.

Cussegl da vischnaunca Disentis/Mustér
Il president: Igl actuar dil di:

Ignaz Venzin

Tino Cadruvi



Cussegl da vischnaunca 2021/2024

Protocol no. 33

Seduta dils 20-06-2024

2. Protocols 32-2021/2024

Decisiun:

Il protocol nr. 32 dalla seduta digl 1. da matg 2024 vegn approbaus unanimamein.

Cussegl da vischnaunca Disentis/Mustér
Il president: Igl actuar dil di:

Ignaz Venzin

Tino Cadruvi



Cussegl da vischnaunca 2021/2024

Protocol no. 33

Seduta dils 20-06-2024

3. Transformaziun dallas structuras communalas: Revisiun parziala dil regulativ per il personal communal (messadi 54-2021/2024)

Presentaziun

Il presents han retschert ina vasta documentaziun cun tut ils detagls. La presentaziun dalla fatschenta succeda tenor messadi 54-2021/2024.

Il plaid vegn surdaus al president communal René Epp. All'entschatta informescha el davart las novas persunas che han saviu vegnir engaschadas entras la vischnaunca e che vegnan a remplazzar collaboraturs partents entras abdicaziun ni pensiunament. Quels engaschaments ein succedi independentamein dalla transformaziun dallas structuras communalas.

René Epp presenta cuortamein la fatschenta entras in exempel ord il mintgadi. El cumpareglia il process d'ina pintga investiziun el model actual dalla direenziun e sco quel savess vegnir simplifiaus cun il model da departaments. Entras quei puntuescha el ch'il niev model da departaments duess esser pli moderns, agils, flexibels ed haver pli cuortas vias da decisiun.

Ei vegn surdau il plaid a signur Arno Felix dalla Curia AG per presentar entgins detagls dils differents models pusseivels.

La fatschenta externa Curia AG ei vegnida incaricada dalla suprastonza communal d'analisar la structura communal e da far propostas per optimaziuns. Entras discuors cul personal communal ha la fatschenta externa saviu far in maletg dil stan actual e saviu proponer in niev model dallas structuras communalas per aschia dar damogn allas sfidas futuras.

Malgrad ch'entginas partiziuns seigien gia organisadas fetg bein, stoppien ins adattar l'entira organisaziun communal per contonscher ina migliur. El Grischn dat ei treis differents pusseivladads co organisar la vischnaunca: model da direenziun, model da departaments ed il model da CEO. Il model vegnan cuortamein presentai cun numnar ils avantatgs e disavantatgs. Il model da direenziun seigi entochen ussa buca vegnius praticaus taluisa, che quel havessi purtau ils avantatgs d'in tal model. Perquei propona la Curia AG il model da departaments.

Entras il model departamental retscheivan ils collaboraturs e las collaboraturas dapli cumpetenzas e responsablads e la vischnaunca semuossa sco patruna da lavur innovativa. Il singuls commembers dalla suprastonza communal fussen informai dapli davart igl occuorer egl agen departament e savessen purtar quellas informaziuns ellas sesidas dalla suprastonza. Per mantener la comunicaziun denter ils departaments havess regularme in liug ina sesida denter ils meinapartiziun. Plinavon duess mintga post haver in substitut ni ina substituta.

Signur Tino Zanetti, medemamein dalla Curia AG, survegn il plaid per explicar las midadas en connex cun la cumissiun da baghegiar e la situaziun legala dalla transformaziun.

El futur duess la cumissiun da baghegiar retscheiver la cumpetenza da decider definitivamein davart projects da baghegiar. Aschia vegnessen projects da baghegiar tractai en suprastonza

mo sche la cumissiun da baghegiar ei buca unita. Entras quei vegness l'incarica dalla cumissiun pli attractiva. Medemamein levgiass quei la lavur dalla suprastanza.

Per far la midada tier il model departamental basegna ei neginas midadas ella costituziun communal. Perencunter stuess il regulativ per il personal communal vegnir adattaus ed ei stuess vegnir elaborau in regulativ per l'organisaziun communal.

Entras l'adattaziun dil plan da plazzas sco proponiu el messadi savess il personal vegnir engaschus pli flexibel enteifer ils departaments ed ins savess duvrar las resursas da personal leu nua ch'ei fa basegns.

Il president dil cussegl da vischnaunca Ignaz Venzin engrazia per l'introducziun e dat la pusseivladad als cussegliers ed allas cusseglieras da tschentar damondas als representants dalla Curia AG.

Cusseglia Larissa Fry Schuster:

Sch'ins mira sin autras vischnauncas el contuorn, eis ei da constatar che quellas introduceschan adina dapli il model da direcziun. Daco manegia la Curia AG che quei model corrispundi buca a nossa vischnaunca?

Arno Felix, Curia AG:

Tier la vischnaunca da Mustér vegn il model da direcziun buca praticaus taluisa, che quel porta ils avantatgs da tal model. Cul model da departaments vegnessen ils caus dils departaments involvi dapli ellas fatschentas digl agen departament.

Completaziun Tino Zanetti, Curia AG:

Igl ei era da constatar che biaras vischnauncas han il model departamental che funcziuna bein. Ils commembers dalla suprastanza che vegnan eligi en lur post entras il pievel havessen dapli pusseivladads da representar lur interess.

Cusseglia Mario Flepp:

En las descripcziuns dallas plazzas ston las cumpetenzas e responsabladads vegnir definidas detagliadamein. Sch'il model da direcziun funcziuna buca, schai la problematica probablamein vid la munconza da talas descripcziuns e buca vid il model sez.

Tino Zanetti, Curia AG:

Tut ils models han avantatgs e disavantatgs. Sch'ins ha ina ferma suprastanza, ston ins era surdar a quella cumpetenzas.

Cusseglia Edgar Durschei:

Ei tier questa valetaziun era vegniu risguardau la situaziun politica dalla vischnaunca? A Mustér dat ei negina concorrenza da partidas e per regla era mo ina candidatura per uffeci. Il votant ha pia strusch in'influenza sils departaments. Ha la Curia AG era considerau la pusseivladad da simplificar process el model actual cun la direcziun?

Tino Zanetti, Curia AG:

Cunquei che decisziuns vegnan pridas ella direcziun, sa la savida dil fatg dils commembers dalla suprastanza magari vegnir alla cuorta. Entras quei vegnan ils interess dil votant actualmein risguardai pli pauc che quei ei il cass cul niev model.

Cusseglia Silvia Bucheli-Caduff:

Co vegn la proporziun dils pensums da lavur denter ils commembers dalla suprastanza a semidar cul niev model? Ella va da quei anora, ch'ils geraus han suenter in pli ault pensum da lavur.

Tino Zanetti, Curia AG:

Els departaments vegn la lavur mai ad esser constanta. Ei vegn a dar temps nua ch'ei ha dapli lavur, lu eis ei impurtont ch'il cau dil departament sappi delegar quella.

Cussegliera Theres Burri Gadola:

Igl onn 2021 hai gia dau ina restructuraziun. Lu era ei clar che la direcziun ha saviu levgiar la lavur dalla suprastonza. En connex cun quella restructuraziun hai era dau novas plazzas sco l'assistenza dalla direcziun ni il secretariat pigl uffeci da baghegiar e menaschi tecnic. Tgei schabegia cun quellas plazzas sch'ei dat buca pli ina direcziun? Co vegn la collaboraziun denter la suprastonza communal ed ils departaments a funcziunar?

Tino Zanetti, Curia AG:

Ils process interns sco era las descripziuns dallas plazzas san vegnir elaborai pér cu il niev model ei approbaus. Avon san ins buc investir il temps en talas lavurs.

Gerau Clemens Berther:

Sche la comunicaziun denter il cau dil departament ed il menader da partiziun funcziuna, vegn ei buc a dar dapli lavur per ils commembers dalla suprastonza. Els ston gia oz adina esser sil current davart il capitau en vischnaunca. Medemamein fussen las responsablads e cumpetenzas da mintga commember da suprastonza pli claras.

President communal René Epp:

Oz setracta ei sulettamein dalla midada da model. En ina secunda fasa vai per las plazzas en detagl. Cun il plan da plazzas adattau han ins dapli flexibilitad da reparter ils pensums da lavur denter ils departaments ed aschia da duvrar optimalmein las resursas. Decisiv ei tochen il davos la summa da pagas, che vegn tenuta en era cun la nova structura.

Cusseglier Remo Huonder:

Ei dat aunc bia damondas aviartas che san buca vegnir rispundidas questa sera. Il messadi ha ina fetg gronda impurtonza ed ina decisiun ha gronda influenza pil futur dalla vischnaunca. Finamira da nus tuts ei dad haver ina structura efficients e semplas. Sche la proposta dad oz ei propi la megliera per la vischnaunca, sa buca vegnir rispundiu cun las informaziuns avon maun. Suentar tut las abdicaziuns setschenta la damonda, sche la problematica schai buc enzanua auter. Dil pareri dalla Curia AG alla suprastonza ha il cussegl survegniu neginas informaziuns. **Cusseglier Remo Huonder propona:** Da buc entrar ella fatschenta ed a vesta ch'ei setracta d'ina fatschenta fetg cumplexa, d'eleger ina cumissiun predeliberonta.

President communal René Epp:

La fidonza denter ils gremis politics ei fetg impurtonta. La documentaziun ei confidenziala e sa buca vegnir presentada alla publicitad. Per quei motiv ha il cussegl retschert ina resumaziun dall'analisa. Igl ei denton pusseivel da far ina sera d'informaziun pil cussegl nua che ins sa discussiunar libramein davart il niev model.

Cusseglier Edgar Durschei:

Ei la cumissiun da gestiun vegnida involvida ell'entira fatschenta? Il cussegl vess era spitgau in pareri dalla cumissiun da gestiun.

President communal René Epp:

Il project ei buca vegnius instradaus dalla cumissiun da gestiun. La fatschenta externa ei vegnida incaricada dalla suprastonza a vesta dils pensiunaments.

Gerau Clemens Berther:

La Curia AG ha gronda experientscha e cusseglia bia vischnauncas. Ins sto sefidar dils experts externs. Las problematicas ein vegnidas resumadas entras els.

Tino Zanetti, Curia AG:

Da far anonim l'entira documentaziun ei buca pusseivel. Enviars ils collaboraturs communsals ei vegniu garantiu ch'ei vegni iu entuorn confidenzialmein cun las informaziuns.

Cussegliair Edgar Durschei:

Impurtont per ina decisiun ei dad haver ina resumaziun dils meinis dils collaboraturs per saver nua ch'ei dat aunc potenzial da meglierar certas caussas e nua ch'ils problems ein.

Cussegliair Remo Huonder:

Cun la cundiziun ch'il cussegl survegni las informaziuns davart la situaziun ord vesta dil persunal, sa el ir d'accord da desister d'ina cumissiun deliberonta. La proposta resta denton da buca entrar ella fatschenta.

Decisiun:

Sin fundament da sura discussiun decida il cussegl da vischnaunca cun 13 gie, 0 na ed 1 abstenziun;

- 1. da buca entrar ella fatschenta;***
- 2. d'organisar ina sera d'informaziun cun la suprastanza communal ed ils representants dalla Curia AG;***
- 3. da tractar la fatschenta en ina secunda lecziun.***

Cussegl da vischnaunca Disentis/Mustér
Il president: Igl actuar dil di:

Ignaz Venzin

Tino Cadruvi



Cussegl da vischnaunca 2021/2024

Protocol no. 33

Seduta dils 20-06-2024

4. Plan da finanzas 2024-2033 (messadi 55-2021/2024)

Presentaziun

Ils presents han retschert ina vasta documentaziun cun tut ils detagls. La presentaziun dalla fatschenta succeda tenor messadi 55-2021/2024.

President communal René Epp:

Ei vegn planisau cun in cash-flow da 90% pils proxims onns, quei che corrispunda a 2.2 milliuns francs. Las investiziuns nettas planisadas a vosta dil cash-flow ein 80%, 2.041 milliuns francs. Tras quei sedattan investiziuns pusseivlas tenor directivas internas da 17.1 milliuns francs pils proxims 5 onns.

Il plan da finanzas va sur 10 onns, aschia ch'ei vegn buca mo risguardau investiziuns pils proxims onns, mobein era investiziuns pusseivlas a liunga vosta.

La renovaziun dalla serenera vegn ad esser in dils proxims projects. Igl ei necessari da modernisar ed engrondir quella.

Ei succeda la discussiun generala.

Cusseglia Edgar Durschei:

Calculaziun investiziuns nettas planisadas

Las investiziuns nettas planisadas pils proxims 5 onns ein calculadas cun mintgamai 80% dil cash-flow. Sut cefra 5 dil messadi vegn denton planisau cun 17.1 milliuns francs investiziuns cun las qualas la suprastanza setegn vid sias directivas internas.

President communal René Epp:

Igl onn 2024 vegn per la davosa gada aunc risguardau ils 4 milliuns francs che flessegian supplementarmein ella calculaziun. Tier l'introducziun dil niev plan da finanzas era quei gia vegniu decidiu entochen la fin da quest onn. Plinavon sto il saldo dallas investiziuns concedidas, denton aunc buca realisadas, vegnir risguardaus ella calculaziun.

Cusseglia Mario Flepp:

Acquist da terren

El plan d'investiziun sur 10 onns sut acquist da terren eis ei planisau nuot pli pertuccont il curtin Hess. Tgei ei il stan actual concernent quei project?

President communal René Epp:

El cass d'ina cumpra vegness quei terren buc amortisau, aschia ch'igl ei buca necessari d'integrar quella posiziun el plan d'investiziun dalla facultad administrativa. El svilup dils deivets ei la summa d'investiziun veseivla ella facultad finanziaria. La vischnaunca ei aunc en contact culs possessurs davart in'eventuala cumpra.

Cussegliera Larissa Fry Schuster:

Pratica da miedi communabla

Igl ei vegniu budgetau 200'000 francs per ina pratica communabla da miedis. Dat ei leutier gia in project?

Geraua Jris Lombris:

Actualmein dat ei buc in project concret, cun quei che las contractivas vegnan adina puspei interruttas per differents motivs. Finamira pil futur ei denton da saver realisar in tal project.

Cusseglier Mario Flepp:

Center dil vitg

El quen d'investiziun sut center dil vitg ei vegniu budgetau 750'000 francs, da quei 200'000 francs per in center da sentupada per famiglias. Tgei project ei quei concretamein?

President communal René Epp:

Cheu setracta ei d'in project el contuorn dalla casa communal ch'ei aunc en planisaziun. Era el futur less la suprastanza orientar davart tals projects en fuorma da seras d'informaziun per era udir il meini dils habitonts.

Cusseglier Armin Berther:

Spital regional Surselva

El plan d'investiziun sut manteniment dil Spital regional Surselva eis ei vegniu calculau nuot pli. Dat ei novas informaziuns davart la situaziun dil spital?

Geraua Jris Lombris:

Pil mument dat ei negins projects concrets pil futur dil spital a Glion, aschia ch'igl ei vegniu calculau nuot el plan d'investiziun.

Cussegliera Theres Burri Gadola:

Scola Cons

El program d'investiziun ei naven d'igl onn 2030 vegniu planisau 2 milliuns francs per la sanaziun dalla casa da scola Cons. Il scolaresser vegn el futur confruntaus cun differentas sfidas. Ella remarca ch'igl ei impurtont da sclarir ad uras ils basegns futurs dalla scola **ensemien cun las vischnauncas vischinontas, cul personal da scola ed ils geniturs**, avon che planisar ina renovaziun per aschia saver risguardar tals ella projectaziun.

Cusseglier Edgar Durschei:

Program d'investiziun per la facultad finanziaria

Fuss ei pusseivel dad era far in program d'investiziun dalla facultad finanziaria, sina quei ch'ins vesess era tgei ch'ei previu d'investar en quella facultad?

Decisiun:

Sin fundament dallas ponderaziuns menziunadas pren il cussegl da vischnaunca enconuschientscha dil plan da finanzas 2024-2033.

Cussegl da vischnaunca Disentis/Mustér
Il president: Igl actuar dil di:

Ignaz Venzin

Tino Cadruvi



Cussegl da vischnaunca 2021/2024

Protocol no. 33

Seduta dils 20-06-2024

5. Iniziativa pil scamond da fiugs artificialis: Revisiun parziala dalla lescha davart ils dis da ruaus publics (messadi 56-2021/2024)

Presentaziun

Ils presents han retschert ina vasta documentaziun cun tut ils detagls. La presentaziun dalla fatschenta succeda tenor messadi 56-2021/2024.

President communal René Epp:

Ils 24 da schaner 2024 ei vegniu inoltrau in'iniziativa che pretenda in scamond total da fiugs artificialis. Quella ei vegnida inoltrada cun 155 vuschs valeivlas.

El fegl ufficial dils 8 da schaner 2024 ha la suprastanza gia publicau in scamond da barschar fiugs artificialis che fan canera. Sin fundament da quella publicaziun ha la suprastanza formulau la cunterproposta, en la quala fiugs artificialis che caschunan negina immissiun da canera sco sbrenzlas ni vulcans restassen lubi.

Ils iniziants van d'accord cun la cunterproposta d'aschuntar in tal scamond ella lescha davart ils dis da ruaus publics e vegnan a retrer l'iniziativa, sch'il cussegl da vischnaunca vegn era a sustener la cunterproposta.

Ei suonda la debatta d'entrada.

Cussegliaer Armin Manetsch:

Ella lescha stat negliu scret ch'ei sappi vegnir concediu lubientschas specialas, aschia ch'ins savess era buca far excepziuns per occurrenzas specialas. Entras quei va in punct culminont dils dis sco 1. d'uost ni Sogn Silvester a piarder.

Ei vegn buca fatg diever dalla deliberaziun en detagl.

Decisiun:

Il cussegl da vischnaunca decida cun 9 gie, 3 na e 2 abstenziuns;

- 1. d'approbar la revisiun parziala dalla lescha davart ils dis da ruaus publics;***
- 2. da suttametter la revisiun parziala dalla lescha davart ils dis da ruaus publics al referendum facultativ tenor art. 21 lit. b dalla constituiun communal.***

Cussegl da vischnaunca Disentis/Mustér
Il president: Igl actuar dil di:

Ignaz Venzin

Tino Cadruvi



Cussegl da vischnaunca 2021/2024

Protocol no. 33

Seduta dils 20-06-2024

6. Ura da damondas (conform ad art. 44 dil regulativ da fatschentas)

Damondas a scret

Treis damondas a scret ein vegnidas inoltradas da cussegliera Theres Burri Gadola en connex cun las cartas d'indigens.

- Contas cartas d'indigens ein vegnidas dadas ora egl onn 2023?
- Contas cartas d'indigens ein vegnidas returnadas egl onn 2023?
- Tgei informaziuns statisticas portan las cartas returnadas ch'il sistem dallas pendicularas sa buca porscher alla vischnaunca?

President communal René Epp:

- Egl onn 2023 ei vegniu dau ora 643 cartas d'indigens.
- Egl onn 2023 ei vegniu returnau 343 cartas d'indigens.
- Il sistem dallas pendicularas sa buca porscher la statistica giavischada. Lur sistem tschaffa in viadi cun la carta d'indigens sco carta dil di. L'evaluaziun en detagl vegn notada a maun sin la carta d'indigens. Per la vischnaunca eis ei denton impurtont da saver con bia e nua ch'ei vegn fatg diever dallas cartas d'indigens.

Damondas a moda sempl

Neginas damondas a moda sempl.

Communicaziuns

President dil cussegl da vischnaunca Ignaz Venzin:

Questa sera ei vegniu deponiu ina moziun che vegn surdada al president communal. Il tema dalla moziun ei "rinforzar la posiziun dalla cumissiun da gestiun".

La moziun vegn prelegida.

La proxima seduta dil cussegl da vischnaunca ha liug venderdis, ils 13 da settember 2024.

Cussegl da vischnaunca Disentis/Mustér
Il president: Igl actuar dil di:

Ignaz Venzin

Tino Cadruvi

Disentis/Mustér, ils 27 da zercladur 2024